

¡BOMBA!

Aunque Trump dio un buen cate a México no tocó el gringo tendrá aguacate sin arancel, digo yo



K'untzil

Jueves 3 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2451 · www.lajornadamaya.mx

U juntal militaril Myanmare' tu k'a'aytaj jun jaats k'iino'ob jets' óolal úuchik u títikubáaj lu'um

Afp / p 29
Oochel Ap



Junta militar ku beetik u jaláachil Myanmare' tu k'a'aytaj le miércoles máanika', je'ets' jun jaats k'iino'ob ti'al tregua ti' ba'atel yaan tu táan rebelde múuch'o'ob, tu jo'olaj máanak jo'op'eel k'iino'ob úuchik u títikubáaj lu'um tu'ux ojéela'ane' ts'o'ok u kiimil kex 2 mil 900 máako'ob te'el noj lu'umo'.

U je'elsa'al jayp'eel k'iino'ob ba'ateltáambale' yaan u náachtal tak le 22 ti' abril ku taala' "ti'al u kaxta'al ka séebkuns'a'ak ba'ax ku

beeta'al ti'al u k'ujsa'al áantaj yéetel u ka' liik'sa'al kaaj, tumen beyo' ku yantal jets' óolal", jts'a'ab k'ajóoltbil.

Óoxp'eel k'a'anan múuch'o'ob beetchaja'an yéetel minorías étnicase' tu k'a'aytaj'ob le martes máanika', u je'elsiko'ob jump'eel winal xwo'okinil yaane' ti'al u béeytal u k'ujsa'al áantaj te'el lu'umo'.

Fuerzas de Defensa Popular, junmúuch' máako'ob beeta'ab tumen kúulpach tuukul máako'ob tu paach jolpe militar yanchaj tu ja'abil 2021e,

tu k'a'aytaj'ob xan u je'elsiko'ob jayp'eel k'iino'ob ba'atetil yóok'olal le talamil ku máansa'al walkila'.

Ti' k'a'aytajil beeta'abe', juntae' tu ya'alaj ti' jkúulpach máako'obe' wa tumen yanchaj je'el ba'axak ataque tu táano'obe', leti'obe' yaan u núukiko'ob xan; ba'alo'ob je'el bix "sabotaje" wa "ti'al u ch'a'abal t'aan ti' wa ba'ax, beyxan ti'al expansión [yóok'olal control] te'el lu'umo', wa je'el ba'axak ka'aj u xu'uls jets'eknakil".

Jayp'eel múuch'o'ob áantaje' tu ya'alajo'obe' áantaj je'el u k'uchul ti'al u yutsil kaaj tu jo'olaj títipajak lu'ume', ku p'íitichajal yóok'olal ba'ateltáambal yaan ichil militares yéetel uláak' múuch'o'ob yaan te'el noj lu'umo'.

Juntae' tu k'a'aytaj túumben balance tu'ux a'alabe' 2 mil 886 u túul máako'ob kiimij, ts'o'oke' kex 4 mil 600 máako'ob úuch ti'ob loob. Beyxan a'alabe' yaan 373 máako'ob ma' ojéela'an tu'ux yano'obi'.